



LE GOUVERNEMENT  
DU GRAND-DUCHÉ DE LUXEMBOURG  
Ministère de l'Agriculture,  
de la Viticulture et du  
Développement rural

Dossier suivi par : M. André LOOS  
Tél : 247-82530

Réf.: 461/2021

**Monsieur Marc HANSEN**  
**Ministre aux Relations avec le**  
**Parlement**

**Service Central de Législation**

**LUXEMBOURG**

Luxembourg, le 03.08.21

**Objet:** Question parlementaire n°4584 des honorables Députés Messieurs Fred Keup et Jeff Engelen

Monsieur le Ministre,

J'ai l'honneur de vous faire parvenir, en annexe, la réponse commune de Monsieur le Ministre de l'Agriculture, de la Viticulture et du Développement rural, de Monsieur le Ministre de la Mobilité et des Travaux publics, de Madame la Ministre de l'Intérieur et de Madame la Ministre de l'Environnement, du Climat et du Développement durable à la question parlementaire citée sous rubrique.

Veuillez agréer, Monsieur le Ministre, l'assurance de ma considération très distinguée.

Le Ministre de l'Agriculture,  
de la Viticulture  
et du Développement rural,



Romain SCHNEIDER

Réponse commune de Monsieur le Ministre de l'Agriculture, de la Viticulture et du Développement rural, Romain Schneider, de Monsieur le Ministre de la Mobilité et des Travaux publics, François Bausch, de Madame la Ministre de l'Intérieur, Taina Bofferding, et de Madame la Ministre de l'Environnement, du Climat et du Développement durable, Carole Dieschbourg, à la question parlementaire n°4584 des honorables Députés Fred Keup et Jeff Engelen

*Ass sech d'Regierung der aktueller Problematik vum „Jakobs-Kreuzkraut“ bewusst ?*

*Op Säite vun de Baueren heescht et, datt, niert hirer Responsabilitéit, och de Staat an d'Gemenge mat Hëllef missten, fir eng ze staark Verbreedung vun dëser Planz ze verhënneren. Wéi reagiert d'Regierung op dës Fuerderung?*

D'Jakobs-Kreuzkraut ass keng nei, mee eng säit Jore bekannten Thematik, där sech d'Regierung bewusst ass. Et sinn der Regierung awer keng wëssenschaftlech Etüde bekannt, no deenen d'Jakobs-Kreuzkraut sech zu Lëtzebuerg géif verstärkt ausbreeden.

Leider kënn et op Grond vu mangelnder Aartenkenntnis och dacks zu Verwiesselunge mat anere Planze mat giele Bléien, déi dem Jakobs-Kreuzkraut op den éischte Bléck gläichen, awer net gëfteg sinn. Dat féiert dozou, dass déi soi-disant verstärkte Verbreedung mol kann iwwerschatt ginn.

D'Jakobs-Kreuzkraut ass eng eenheemesch Planz, déi zu Lëtzebuerg säit ëmmer wäit verbreet ass. E puer Insektenarten, wéi z.B. de Päiperleck mam Numm „Jakobskrautbär“ (*Tyria jacobaeae*), sinn esouguer op dës Planz spezialiséiert.

Et ass eventuell méiglech, dass duerch de Réckgang vun der Populatioun vu wëlle Kanéngercher - en natierleche Feind vun der Planz - sech d'Jakobs-Kreuzkraut verstärkt verbreedt konnt (Scherber et al 2003: "The effects of herbivory and competition on the invasive alien plant *Senecio inaequidens* (Asteraceae)"). Wëll Kanéngercher sinn nämlech tolerant géint d'Alkaloiden (déi gëfteg Substanzen) am Jakobs-Kreuzkraut (z.B. Pierson et al 1977: "Resistance of the rabbit to dietary pyrrolizidine (*Senecio*) alkaloid"). D'Kanéngercherspopulatioun ass awer iwwert déi lescht 30 Joer duerch Infektiounskrankheeten (haapstächlech Myxomatose an RHD-Virus) zu Lëtzebuerg quasi ganz verschwonnen.

An de leschte Joren ass d'Jakobs-Kreuzkraut awer virun allem verstärkt an der Ëffentlechkeet thematiséiert a politiséiert ginn. Et goufen och divers parlamentaresch Froen dozou gestallt (n°1274-2015, n°2666-2017). D'Bauere sinn a sech verpflichtet, fir am Kader vun der sougenannter Eco-conditionnalitéit innerhalb de Flächeprimmen eng Verbreedung vun dëser heemescher, ma toxescher Planz z'ënnerbannen.

Fir sech där Thematik unzehuelen, déi sech net reng op d'landwirtschaftlech Aktivitéit begrenzt, mee och op d'Gestioun vun de Stroosseränner, gouf 2017 eng interministeriell Taskforce gegrënnt, déi Léisungsusätz an de Beräicher Landwirtschaft, Naturschutz a Stroossebau proposéiert huet. Dësen Aarbechtsgrupp „Jakobs-Kreuzkraut“ huet sech aus Verrieder vun ANF, ASTA, ASV, PCh, SICONA an MNHNL mat der Ënnerstëtzung vu CONVIS, der Landwirtschaftskammer a vun der Akerbauschoul zesammengesat .

Esou gouf e "Guide de bonne gestion" erstellt, fir engersäits d'Baueren, am speziellen op extensiv bewirtschaftete Grénglandflächen (https://environnement.public.lu/fr/support/recherche.html?q=kreuzkraut), an anersäits d'Beamten an d'Aarbechter vun der Stroossebauverwaltung ("Extensivierung des Unterhaltes der Grünflächen entlang der Strassen") ze sensibiliséieren an z'informéieren.

Nieft dem sougenante „Guide de bonne gestion“ gouf fir d'Mataarbechter vun der Stroossebauverwaltung engersäits e Flyer erstallt, fir e vereinfacht Erkenne vun der Planz z'erméiglechen, an anerersäits d'Moosname festgeluecht, wéi bei erhéichtem Virkomme vu Jacobsstaf laanscht d'Stroosseränner virzegoen ass. Op laanscht d'Stroosse betraffene Fläche vun dëser Planz kann deemno reagiert ginn, a méi grouss Bestänn kënnen gezielt ewechgeholl ginn.

Et sief och vermierkt, dass dës Problematik reegelméisseg bei den zoustännege Servicer rappeléiert gëtt.

-----